

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine" broj 49/06) i člana 22. Statuta Općine Sapna ("Službeni glasnik općine Sapna" broj 6/07, 8/09 i 3/12) Općinsko vijeće Sapna na sjednici održanoj dana 12.02.2013. godine donosi

O D L U K U

o uslovima, načinu, kriterijima i iznosu sredstava za dodjelu jednokratne novčane pomoći licima i domaćinstvima u teškoj materijalnoj i finansijskoj situaciji sa područja Općine Sapna

OPĆE ODREDBE

Član 1.

Ovom Odlukom utvrđuju se uslovi, način, kriteriji i iznos sredstava za dodjelu jednokratne novčane pomoći licima i domaćinstvima u teškoj materijalnoj i finansijskoj situaciji sa područja općine Sapna.

Član 2.

Sredstva za dodjelu jednokratne novčane pomoći utvrđuju se u Budžetu Općine Sapna za svaku kalendarsku godinu.

Član 3.

Jednokratna novčana pomoć može se dodijeliti:

- za plaćanje dijela troškova u liječenju oboljelih lica uz dokaz o troškovima liječenja,
- za plaćanje dijela troškova u podmirivanju bolničkih troškova uz dokaz o troškovima,
- za plaćanje dijela troškova u nabavci skupocjenih lijekova uz dokaz o troškovima, i
- za prevazilaženje izuzetno teške materijalne situacije u smislu neophodnosti novčanih sredstava za egzistencijalne životne potrebe.

USLOVI I KRITERIJI

Član 4.

Jednokratnu novčanu pomoć u skladu sa ovom Odlukom mogu ostvariti lica ili domaćinstva čiji ukupan prihod po članu domaćinstva ne prelazi iznos od 100,00 KM mjesečno u posljednja tri mjeseca prije podnošenja zahtjeva.

Član 5.

Prihod u skladu sa ovom Odlukom smatra se prihod koji ostvaruju svi članovi domaćinstva podnosioca zahtjeva po osnovu:

- plaća i drugih primanja iz radnog odnosa,
- starosne, invalidske i porodične penzije,
- primanja po propisima boračko-invalidske zaštite i zaštite civilnih žrtava rata,
- prihodi po osnovu privrednih, uslužnih i drugih djelatnosti i dopunskog rada.

Član 6.

Pravo na jednokratnu novčanu pomoć, u smislu ove Odluke ne mogu ostavriti:

- lica koja imaju članove porodice koji su po sili Zakona obavezni izdržavati ih i ima prihode veće od prihoda propisanih u članu 4. ove Odluke,
- lica ili članovi domaćinstva koja su navedeno pravo na pomoć ostvarila putem drugog organa,
- lica ili domaćinstva čiji je član vlasnik preduzeća ili samostalne radnje ili ima registrovanu dopunsku djelatnost.

Član 7.

Članovi porodičnog domaćinstva u smislu ove Odluke su: bračni i izvan bračni drug, djeca rođena u braku ili izvan braka, usvojena djeca i pastorčad, roditelji i usvojitelji, očuh i maćeha, te braća i sestre pod uslovom da sa podnosiocem zahtjeva žive u zajedničkom domaćinstvu.

ZAVRŠNE ODREDBE

Član 8.

Postupak za ostvarivanje prava na jednokratnu novčanu pomoć, pokreće se na Zahtjev stranke.

Uz zahtjev se prilaže potrebna dokumentacija, kojom se dokazuje ispunjavanje uslova i kriterija za dodjelu jednokratne pomoći i to:

- Kopija lične karte podnosioca zahtjeva,
- Uvjerenje o zajedničkom domaćinstvu,
- Uvjerenje sa BIRO-a za zapošljavanje za sve nezaposlene članove domaćinstva, a u koliko se ne vodi na BIRO-u za zapošljavanje Uvjerenje iz ispostave porezne uprave,
- Dokaz o zaposlenju svih punoljetnih članova domaćinstva i visini stalnih izvora prihoda (fco. 3 poslednje platne liste ili ček od PIO penzije),

- Uvjerenje iz porezne uprave da kandidat ili punoljetni član domaćinstva ne ostvaruju dodatne prihode,
 - Uvjerenje Centra za socijalni rad o visini prihoda po osnovu zaštite civilnih žrtava rata,
 - Uvjerenje nadležne službe za branilačko invalidsku zaštitu o visini primanja,
 - Uvjerenje o redovnom školovanju djece,
 - Dokaz o eventualnom korištenju, odnosno ne korištenju jednokratne novčane pomoći putem Općinske službe nadležne za branilačko-invalidsku zaštitu i JU Centar za socijalni rad.
- Sva dokumentacija se prilaže u originalu ili ovjerenj fotografiji.

Član 9.

O rješavanju pojedinačnih zahtjeva, u skladu sa uslovima, načinu i kriterijima utvrđenim ovom Odlukom, odlučuje Općinski načelnik na prijedlog Komisije.

Komisiju u sastavu od tri člana imenuje Općinski načelnik.

Zahtjeve za dodjelu jednokratne novčane pomoći Komisija će razmatrati po potrebi, a najmanje jednom mjesečno.

Član 10.

Visina novčane pomoći po ovoj Odluci ne može biti manja od 50, niti veća od 300,00 KM, a visinu pomoći pojedinačno će predlagati Komisija, u zavisnosti od troškova i materijalnih prilika u svakom konkretnom slučaju.

Novčana pomoć licima koja ispunjavaju uslove po ovoj Odluci može se dodijeliti samo jednom u toku godine.

Član 11.

U izuzetnim slučajevima, kada Komisija ocjeni da je neophodno, može predložiti Općinskom načelniku veći iznos novčane pomoći od visine utvrđene u članu 10. ove Odluke.

Član 12.

Na osnovu prijedloga Komisije Općinski načelnik donosi, Rješenje o odobravanju i visini jednokratne novčane pomoći, odnosno odbijanju zahtjeva.

Na Rješenje nezadovoljna stranka ima pravo žalbe Komisija općinskog vijeća za društveni nadzor i odučivanje u drugom stepenu u roku od 8. dana od dana prijema Rješenja.

Član 13.

Raspodjela sredstava po ovoj Odluci vrši se shodno raspoloživim budžetskim sredstvima.

Član 14.

Stupanjem na snagu ove Odluke prestaje da važi Odluka o kriterijima dodjele jednokratne novčane pomoći ("Službeni glasnik Općine Sapna" broj 3/2001).

Ova Odluka stupa na snagu narednog dana od dana objavljivanja u „Službenom glasniku općine Sapna“.

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinsko vijeće

Broj: 01-02-136-4/13
Sapna, 12.02.2013. godine

Predsjedavajući Općinskog vijeća
Mirnes Gušić